



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sancti Agobardi Archiepiscopi Lvgdvnensis Opera

Agobardus <Lugdunensis>

Parisiis, 1666

Liber de privilegio & jure sacerdotij.

urn:nbn:de:hbz:466:1-14678

*AD BERNARDVM EPIS.
copum, de Privilegio & jure
Sacerdotij.*

I. VENERABILI in Christo fratri & coëpiscopo Bernardo Agobardus in Domino perpetuam salutem. Nuper dum in unum positi conloqueremur, maximè de presuris, odiis, & despectione Ecclesiarum, atque Clericorum, quæ nunc infervescere cœperunt seculis inauditò & inusitato modo, præcipere mihi dignata est sanctitas vestra, ut aliqua de Scripturis sacris, vel sanctorum Patrum dictis excerpterem, quæ materiem nobis præberent ad inquirenda, consideranda, & deploranda mala temporis nostri, quæ ignoraverunt antecessores & patres nostri; licet Spiritus sanctus loquens in Prophetis non tacuerit, qui dixit:
Et erit sicut populus, sic & Sacerdos. & multa hujusmodi. Visum itaque mihi est parituro sanctæ devotioni tuæ, ut prætermissis dextra lœvaque his quæ de remuneratione bonorum, & damnatione malorum Sacerdotum, à Patribus sollicitè ac multipliciter scripta sunt, aliquid medium quod utriusque commune est, de Privilio scilicet & Iure Sacerdotij, conarer sci-bendo non explicare, sed considerando diligenter attingere.

II. Præmittendum sanè videtur brevissimè, quod omnes verè fideles membra summi Sacerdotis, Dei videlicet ac Domini nostri Iesu

Christi, mediatoris Dei & hominum, facti sunt ab eo Patri regnum & Sacerdotes, dicunturque genus electum, regale Sacerdotium, & sunt sub capite summo unus Sacerdos. Propter quod & vitia illa legalia, quae Sacerdotem esse inhibent, à corpore & regno summi Sacerdotis excludunt, sicut probabilem Patrum expositio probat. Vnde cùm sacra lex per Moysen inciperet dari, sacer ille agnus; cuius sanguis in superluminaribus & postibus domorum aspersus, vastatorem prohibuit ingredi domos celebrantium Phase, non jubetur à Sacerdotibus sumi, vel à populo Sacerdotibus, aut à Sacerdotibus Deo offerri, sed ab universo cœtu filiorum Israël tolli per familias & domos, iuxta numerum animarum quæ sufficere possent ad esum ejus. Nec excipiuntur quilibet indigni & immundi, sed omnibus hoc in commune præcipitur; solis duntaxat alienigenis seiuictis, advenis verò & mercenariis coniunctis. Denique & ipse agnus, licet sine macula esse iubeatur, ab ovibus tamen & capris secundūm antiquam translationem mandatur assumi, & cum amaritudine comedī.

III. Ut igitur liquidò pateat eminentia vel dignitas in commune Sacerdotij, consideremus à principio mundi gradus eius. Primogeniti, si tamen dici liceat, primi hominis, primi leguntur sacerdotale ministerium peregisse, Cain videlicet & Abel, id est, Deo hostias obtulisse: quorum unus improbatus est, & sacrificia eius non sunt respecta. Et hoc idcirco fieri potuit, quia non populi, sed propria vota obtulit; licet causa reprobationis alia extiterit. Nam in con-

1. Petri 3,

Exo t. 12.

Genes. 4,

124 S. AGOBARDI LIBER

sequentibus nunquam invenies ut oblata pro aliis reprobata sint, etiam si is qui obtulit indignus fuerit, si tamen fide de domo fuit, aut in domo obtulit, in qua agnus vescendus est, sicut lex præcipit dicens : *In una domo comedetur, nec efferetis de carnis illius foras.* Sed magis eorum corda pensantur, qui per Sacerdotes, qualescumque illi sint, offerunt, sicut multis modis ostendi potest. Vnde & de bonis Sacerdotibus Dominus ait :

Exod. 12. Ier. 15. Si steterint Moyses & Samuel coram me, non est anima mea ad populum istum.

Malach. 1. Et iterum : Non est mihi voluntas in vobis, & munus non suscipiam de manu vestra. E contrario autem, etiam auditu hominum & visu nostro didicimus oblata Deo per Sacerdotes reprehensibilis vitae, ita accepta, ut etiam infirmitates corporum curarent : qui for-

Matth. 8. tassis cum aliis reprobis dicturi sunt Deo, Domine, Domine, in nomine tuo demonia ejecimus, & virtutes multas fecimus, & cetera. Tale aliquid etiam in libro Iudicum legitur de Mi-

Iudic. 17. cha, qui habuit sculptile, atque conflatile, & ædiculam separatam, & fecit Ephod ac Teraphim, & recepit adolescentem quendam Levitic generis, ut esset ei Sacerdos : qui cum esset utique contra fas sculptilium sacerdos, tamen pro filiis Dan consuluit Dominum, & respondit prospera quæ ventura erant.

IV. Pertinet quoque ad hanc rationem confirmandam, qua dicimus sacerdotalia obsequia pro populorum meritis dispensari, quod Ezechiel sancto Prophetæ Dominus loquitur : *Linguam tuam adhaerescere faciam palato tuo, & eris mutus, nec quasi vir objurgans, quia*

domus exasperans est. E contrario autem de Caïpha dicitur : *Hoc autem à semetipso non loan. 11.*
dixit. Sed cùm esset Pontifex anni illius , pro-
phetavit quia Iesus moriturus erat pro gente.
 Sed cur hæc in aliis quæramus , cùm etiam de
 ipso Domino Evangelista dicat : *Et non poterat Marc. 6.*
ibi virtutem ullam facere , nisi paucos infirmos
impositis manibus curavit , & mirabatur pro-
pter incredulitatem eorum. Quam rem alias
 Evangelista aperte loquitur , dicens : *Et non Matth. 13.*
fecit ibi virtutes multas propter incredulitatem
eorum. Et in istis quidem incredulitatis meri-
tum fuit; ut nec multæ apud eos virtutes fierent;
& ipsi pauci qui sanati sunt , non sola verbi po-
tentia , sed manuum impositione curarentur.
 Paralyticum verò Centurionis puerum , & mu-
 lieris Chananaæ filiam , quæ malè à dæmonio
 vexabatur , solo verbo restituit incolumenti.
 Nimirum magnitudine fidei eorum hoc exigen-
 te , qua alter dixerat : *Tantum dic verbo , &*
sanabitur puer meus. altera ex micis de mensa
 dominorum cadentibus catellos posse percipere
 non dubitaverat. quámque miris laudibus Sal-
 vator extulit , de Centurione quidem dicens,
Non inveni tantam fidem in Israël ; Mulieri
 verò Chananaæ : *O mulier , magna est fides*
tua. fiat tibi sicut vis. E contrario , inter cete-
 ros veros discipulos , etiam Iudæ ficto discipulo ,
 & vero proditori , magnam virtutum gratiam
 contulit , sicut Evangelium narrat , dicens:
Convocatis Iesus duodecim discipulis suis , de-
dit illis potestatem immundorum spirituum , ut
eicerent eos , & curarent omnem langorem , &
omnem infirmitatem. Vbi & additur : *Duode-*

Matth. 8.

Matth. 15.

Matth. 10.

116 S. AGOBARDI LIBER
tim autem Apostolorum nomina sunt haec. Primus Simon, qui dicitur Petrus, & Andreas frater ejus; enumeratisque omnibus; postremus ponitur Iudas Scariotes, qui & tradidit eum. Deinde sequitur: *Hos duodecim misi Iesu.* & post paululum: *Euntes autem, predicate dicentes quia adpropinquavit regnum co- lorum. Infirmos curate, mortuos suscitare, leprosos mundate, dæmones eicite.* Cui rei subiungit alius Evangelista: *Et exeuntes prædicabant ut pœnitentiam agerent, & dæmonia multa eiciebant, & ungebant oleo multos ægros, & sanabant.* De talibus, bonis videlicet ac malis prædicatoribus, loquens Apostolus, ait: *Quid enim dum omnimodo sive per occasionem, sive per veritatem Christus annuncietur, & in hoc gaudeo, sed & gaudabo.*

V. Colligitur itaque ex prædictis rebus, quod nec Sacerdotes, cum exaudiuntur, aut prædicando profundunt, meritis suis debent tribuere, sed eorum pro quibus haec agunt; nec populus sacerdotis culpæ deputare, sed suæ, cum sacerdos nec orando proficit, nec loquendo, licet vario contingat modo, sicut beatus Papa Gregorius affirmat, dicens: *Sæpe enim pro sua nequitia prædicantium lingua restringitur; sæpe vero ex subjectorum culpa agitur ut eis qui præfunt, prædicationis sermo subtrahatur.* Hæc idcirco dicimus, ut ostendatur & per bonos & per malos bona posse administrari; plerunque autem bonos malis prodesse non posse, & ab utilitate ministerij prohiberi; sicut Dominus *Fætus 5.* de infideli vinea loquens, ait: *Et nubibus mandabo ne pluant super eam imbre.* Sed &

*Homil. 17. in
Evangelia.*

DE PRIVILEGIO & IVRE SACERDOTII. 127

Hieremiam idem Dominus prohibens : *Tu, in-*
quit, noli orare pro populo hoc, nec adsumas
pro eis laudem & orationem, quia non exau-
diam te. Ceterum quod suprà diximus de Caïn,
si pro aliis sacrificium obtulisset, quod sine ca-
ritate fieri non potest, nullatenus diceretur ad
Caïn & ad munera eius non respexitse Domi-
num, in consequentibus melius demonstrabi-
tur, si tamen dare dignatus fuerit Dominus. In-
terim de excellentia & dignitate sacerdotij vel
sacerdotum cœpta persequamur.

Ierem. 1.

Genes. 4.

V. Noë, per quem restitutum est genus hu-
manum, post diluvium ædificavit altare Domi-
no, & obtulit holocausta ; odoratissime est Do-
minus odorem suavitatis, & ait ad eum : *Ne-*
quaquam ultrà maledicam terræ propter homi-
nes. Melchisedech Rex Salem, sacerdos Dei ex-
celsi fuisse scribitur ; de quo Apostolus : *Intue-*
mini, ait, quantus sit hic, cui & decimas de-
dit de præcipuis Abraham Patriarcha. Patres
electi, Abraham scilicet, Isaac, & Iacob, (de
quibus Dominus ad David loquitur, *Feci no-*
men tuum sicut unius magnorum qui celebra-
*tur in terra) ædificasse leguntur altaria. Beatus
quoque Iob holocausta per singulos dies scribi-
tur obtulisse ; &, ut beatus Hieronymus ait,
antiqua Iudaorum traditio est, quod ante le-
gem omnes primogeniti fuerint sacerdotes, &
Deo victimas immolarint. In lege autem assumi-
tur tribus Levi pro omni primogenito qui ape-
rit vulvam in filiis Israël, siuntque Levitæ Dei,
diciturque ad Moysen : *Tolle Levitas pro pri-*
mogenitis filiorum Israël, & pecora Levitarum
*pro pecoribus eorum, erintque Levitæ mei. Ego**

Genes. 8.

Genes. 14.

Hebr. 7.

Iob. 1.

Numer. 3.

*Exod. 13. &
Numer. 3.*

128 S. AGOBARDI LIBER
sum Dominus. Externus qui ad ministrandum
accesserit, morietur. Et res mira, & vehemen-
ter stupenda! Omnes Levitæ quos numerave-
runt Moyses & Aaron iuxta præceptum Domi-
ni per familias suas in genere masculino à men-
se uno & suprà, fuerunt viginti duo millia, si-
cūt viginti duæ litteræ apud Hebræos, & vi-
ginti duo libri divinæ auctoritatis in veteri te-
stamento. Vt id ipsum sit quod in Deuterono-
mio dicitur: *Scripsit itaque Moyses hanc legem,*
& tradidit eam sacerdotibus filiis Levi, qui
portabant arcam fœderis Domini, & cuncti
senioribus Israëlis.

VII. Sed & illud omni admiratione dignum
est, quod primogeniti filiorum Israël, pro qui-
bus dati sunt filii Levi, fuerunt masculi per no-
mina sua à mente uno & suprà, viginti duo mil-
lia, ducenti septuaginta tres. Nam viginti duo,
ut dictum est, numero litterarum concinit &
librorum, habens supra duplē centenarium,
septemplicem denarium, & simplicem ternari-
um, numeros in divinis litteris sacratissimos.
Ex hoc iam tempore non oportuit esse sacerdo-
tes quoscunque primigenitos, sed tantum Le-
vitæ filios Aaron, qui separati sunt à populo,
sicut scriptum est: *Tribum Levi noli numerari,*
neque ponas summam eorum cum filiis Israël,
sed constitues eos super tabernaculum testimonij.
Et post paululum: *Cum proficiscendum fuerit*
deponent Levitæ tabernaculum; cum castra-
metandum, erigent. Quisquis externorum ac-
cesserit, occidetur. Et in tantum sequestrati
sunt & prælati populo, ut iubeat Dominus
Moysen dicere eis, Aaron scilicet & filiis eius:

Sic

Numer. 3.

Deuteronom. 31.

Numer. 1.

DE PRIVILEGIO & IVRE SACERDOTII. 129

Sic benedicetis filii Israël. Et post benedictio- Numer. 6.
nem, *Invocabunt*, ait, *nomen meum super fi-*
lios Israël, & ego benedicam eis. Non illi bene-
dicent, sed ego; illorum est invocare, meum
est benedicere. In quibus verbis non excipit
malos, sed de omnibus in commune loquitur,
bonis videlicet & malis. Malos dicimus, sicut
fuerunt Ophni, & Phinees, Somna, & Pha- 1. Reg. c. 2.
dassur, & ceteri tales, licet isti in præsenti vita
recepérint vindictam. Nec solummodo sacer-
dotum fuit orare pro populo, sed & omnium
Levitarum, sicut ipse Dominus dicit: *Tuli Le-* Numer. 1. & 8.
vitæ pro cunctis primogenitis filiorum Israël,
tradidique eos dono Aaron & filiis eius de me-
dio populi, ut serviant mihi pro Israël in ta-
bernaculo fœderis, & orent pro eis, ne sit in
populo plaga, si ausi fuerint accedere ad San-
ctuarium. Vbi notandum videtur, quia sicut
omnes sacerdotes & Levitæ sancti & iusti esse
non potuerunt, ita nec omnes ceteri Israëlitæ
iniqui & peccatores: sed tamen per peccatores
sacerdotes & Levitas completa sunt salutaria
populi, quæ per iustos populi impleri non po-
tuerunt. Et quanquam æterna vita plus digni-
sunt iusti populares quam iniusti sacerdotes; ta-
men sacramenta in quibus salus populi consistit
agere possunt iniusti sacerdotes. quod non pos-
sunt iusti populares. scilicet quia valet in qua-
licunque ministro ipsa vis ministerij quod non
valet iustitia in eo cui non conceditur licentia
ministrandi. Atque hoc etiam atque etiam
Moyses populo inculcat, dicens: *Separavit* Deut. 10.
Dominus tribum Levi, ut portaret arcam
fœderis Domini, & staret coram eo in mini-

130 S. AGOBARDI LIBER
sterio, ac benediceret in nomine illius.

VIII. In tantum autem ab aliis intentanda
sunt sacramenta altaris, ut dicat Dominus ad

Numer. 18.

Aaron: *Tu & filij tui & domus patris tui u-
cum, portabitis iniquitatem sanctuarij, &
& filij tui simul sustinebitis peccata sacerdotij ve-
stri.* Et post aliqua: *Si quis externus accesserit,
occidetur. Quod terribiliter legitur adimple-
tum in Oza, cum adduceret David arcam Do-
mini de domo Aminadab, sicut scriptum est.*

2. Reg. 6. *Et imposuerunt arcam Domini super plaustrum
novum; tuleruntque arcam de domo Amina-
dab, qui erat in Gabaa. Oza autem & Ahio
filij Aminadab minabant plaustrum novum. Et
post pauca: Postquam autem venerunt ad aream
Nachon, extendit manum Oza ad arcam
Dei, & tenuit eam, quoniam calcitrabant bo-
ves, & declinaverant eam. Iratusque est indignatione Dominus contra Ozam, & percu-
sum super temeritate, qui mortuus est ibi juxta
arcam Dei. Certè Oza injunctum sibi officium agebat, plaustrum minabat; & obsequi
eius esse videbatur, ut arcam Dei, quam recal-
citrantes boves inclinaverant, sustentaret. Ve-
rūm quia non erat officij ejus ut eam conting-
ret, quod ille sibi visus est fecisse pietate, repu-
tatum illi à Deo est terribiliter in temeritatem,
& tantam temeritatem quæ statim mortis sup-
plicio plecteretur. Quam rem beatus David in
tantum expavit, ut sequatur Scriptura, dicens:
*Extimuit David Dominum in die illa dicens:
Quomodo ingredietur ad me arca Domini? E-
noluit divertere ad se arcam Domini in crav-
tatem David; sed diverxit eam in domo Obed;**

DE PRIVILEGIO & IVRE SACERDOTII. 131
dom Getthæi. Vnde & post aliquod temporis,
cùm audisset quòd benedixisset Dominus do-
mum Obededom Getthæi propter arcam Dei, vo-
catis ad se principibus sacerdotum ac Levita-
rum, sic legitur præcepisse: *Vos qui estis prin-*
cipes familiarum Leviticarum, sanctificamini
cum fratribus vestris, & afferte arcam Domi-
ni Dei Israël ad locum qui ei præparatus est,
ne ut à principio, quia non eratis presentes, per-
cussit nos Dominus; sic & nunc fiat inlicitum quid
nobis agentibus. E contrario autem Ozias Rex,
de quo legitur quòd requisierit Dominum, &
dilexerit eum in omnibus, cùm roboratus esset,
elevatum est cor ejus in interitum suum, & ne-
glexit Dominum Deum suum; ingressusque tem-
plum Domini, adolere voluit incensum super al-
tare thymiamatis; statimque ingressus est post eum
Azarias sacerdos, & cum eo sacerdotes Domini
octoginta, viri fortissimi, restiterunt Regi, atque
dixerunt: *Non est tui officij, Ozia, ut adoleas*
incensum Domino; sed sacerdotum, hoc est, fi-
liorum Aaron, qui consecrati sunt ad hujusmodi
ministerium. Egredere de sanctuario, ne contemp-
seris: quia non reputabitur tibi in gloriam hoc à
Domino Deo. Iratusque est Ozias; & tenens in
manu thuribulum ut adoleret incensum, minaba-
tur sacerdotibus; statimque orta est lepra in fron-
te ejus coram sacerdotibus in domo Domini super
altare thymiamatis. Cùmque respexisset eum
Azarias Pontifex, & omnes reliqui sacerdotes,
viderunt lepram in fronte ejus, & festinatè expu-
lerunt eum. Sed & ipse perterritus acceleravit
egredi, eò quòd sensisset illico plagam Domini.
Tali itaque contemptores sacerdotum ultione

1. Par. 15.

2. Par. 26.

I ij

132 S. AGOBARDI LIBER
feriuntur, talis in sacerdotibus fortitudo & con-
stantia prædicatur. Ob hanc & Azarias iste sin-
gulari laude attollitur, sicut scriptum est de eo.
Azarias sacerdos de genere Aaron, ipse est qui
sacerdotio functus est in domo quam ædificavit
Salomon in Hierusalem.

I X. Tanta igitur sacerdotibus sacerdotij di-
gnitate collata, præcipitur populo ut eis in cun-
ctis obediatur. Ait denique Moyses : *Acceden-*

Deut. 21. *itaque sacerdotes filij Levi, quos elegerit Domi-*
nus Deus tuus ut ministrent ei, & benedicam in
nomine ejus, & ad verbum eorum omne negotium
& quicquid mundum vel immundum est judici-
tur. Quam sit autem perniciosum non obediere
sacerdotibus, miro modo etiam per Moysen
dicitur. Observa, inquit, diligenter ne incurra

Deut. 24. *plagam lepra; sed facies quæcunque docuerint*
sacerdotes Levitici generis, juxta id quod præ-
cepit eis, & imple sollicitè. Nam cum lepra in-
firmitas corporis sit, quur non potius medicis
obediendum præcipit, sed sacerdotibus? nisi
quia humiliter audiendo sacerdotes declinat
quis immunditiam mentis, maximè erroris. ita
tamen si sacerdos ea docuerit quæ Dominus
*præcepit. Hoc est enim quod dicit: *Facies quæ-**
cunque docuerint te sacerdotes, juxta id quod
præcepit eis. Nam si sacerdos aliud docuerit quam

Ezech. 3. *quod Dominus jussit, quisquis ei auscultaverit,*

leprosus leprosum sequitur, & cœcus cœcum;

& consequenter ambo de castris expellentur,

ambōque in foveam cadent. Non ergo aliud

doceat sacerdos, nisi quod Dominus præcipit,

ut salubriter audiatur. Sic & Ezechieli Domi-

*nus loquitur: *Audies ergo ex ore meo sermo-**

DE PRIVILEGIO & IVRE SACERDOTII. 133
nem, & annuntiabis eis ex me. Audies, inquit,
non aliunde, sed ex ore meo, & annuntiabis ex me,
non ex te: quia qui loquitur mendacium, de suo
loquitur. E contrario autem, omne datum optimum,
& omne donum perfectum, desursum est; &
lux veritatis à patre luminum est; nec est ullum
bonum aut verum, nisi ab eo qui solus verè na-
tura est bonus.

*Ioan. 8.
Jacob. 1.*

X. Sed videamus utrum apostolicæ quoque
litteræ consonanter legi de his doceant. Beatus
Paulus Apostolus ad Hebræos scribens: *Obedi-*
te, ait, Prepositis vestris, & subiacete eis. Ipsi
enim per vigilant, quasi rationem pro animabus
vestris reddituri; ut cum gaudio hoc faciant, &
non gementes. Ad Timotheū etiam scribens, ait:
Qui bene præsunt Presbyteri, duplii honore dig-
ni habeantur, maxime qui laborant in verbo &
doctrina. Dicit enim Scriptura, Non infrenabis
os bovi trituranti. Et: Dignus est operarius mercede
sua. Qua in re, ut ait beatus Papa Gregorius,
considerandum est, quod unicorum operi duæ mer-
cedes debentur, una in via, altera in patria, una
que nos in labore sustentat, altera que nos in re-
surrectione remunerat. Item ad Corinthios, in-
ter multa ad hæc pertinentia, dicit: *Quis pas-*
cit gregem, & de lacte gregis non manducat? *1. Cor. 9.*
Numquid secundum hominem hæc dico? An &
lex hæc non dicit? Scriptum est enim in lege Moysi:
Non alligabis os bovi trituranti. Numquid de bo-
bus cura est Deo? An propter nos utique dicit?
Nam propter nos scripta sunt: quoniam debet in
spe qui arat arare, & qui triturat, in spe fructus
percipiendi. Si nos vobis spiritualia seminavimus,
magnum est si vestra carnalia metamus. Et post

Hebr. 13.

i. Tim. 5.

*Homil. 17. in
Evangelia.*

134 S. AGOBARDI LIBER
pauca : *Nescitis quoniam qui in sacrario ope-
rantur, quae de sacrario sunt, edunt; qui altario
deserviunt, cum altario participantur? Ita &
Dominus ordinavit his qui Evangelium annun-
tiant, de Evangelio vivere.* Itémque ibi : Ob-
I. Corin. b. 16.

*secro autem vos fratres, nos tis domum Stephanæ
& Fortunati, quoniam sunt primitiae Achaia,
& in ministerio sanctorum ordinaverunt seipso;*
*ut & vos subditi sitis ejusmodi, & omni coopt-
ranti & laboranti. Gaudeo autem in praesentia
Stephanæ & Fortunati & Achaici, quoniam id
quod vobis deerat, ipsi supplererunt. Refecerunt
etenim meum spiritum & vestrum. Cognoscite er-
go qui ejusmodi sunt. Item ad Thessalonenses:*

I. Thessal. 5. *Rogamus autem vos fratres ut noveritis eos qui
laborant inter vos, & praesunt vobis in Domino,
& monent vos, ut habeatis illos abundantius in
caritate propter opus illorum. pacem habere
cum eis.*

X I. Hæc pauca veteris ac novi testamenti
collegimus testimonia, in quibus quasi in spe-
culo contueri valeamus fœditatem nostri tem-
poris, omni lacrymarum fonte plorandam;
quando increbuit consuetudo impia, ut penè
nullus inveniatur anhelans & quantulum cum-
que proficiens ad honores & gloriam tempora-
lem, qui non domesticum habeat sacerdotem,
non cui obediatur, sed à quo incessanter exigat li-
citam simul atque inlicitam obedientiam, non
solum in divinis officiis, verùm etiam in huma-
nis; ita ut plerique inveniantur, qui aut ad
mensas ministrent, aut saccata vina misceant,
aut canes ducant, aut caballos, quibus feminæ
sedent, regant, aut agellos provideant. Et quia

DE PRIVILEGIÓ & IVRE SACERDOTII. 135

tales, de quibus hæc dicimus, bonos fæcerdotes
in domibus suis habere non possunt, (nam quis
esset bonus clericus qui cum talibus hominibus
de honestari nomen & vitam suam ferret?) non
curant omnino quales clerici illi sint, quanta
ignorantia cœci, quantis criminibus involuti;
tantum ut habeant presbyteros proprios, quo-
rum occasione deserant Ecclesiæ, seniores, &
officia publica. Quod autem non habeant eos
propter religionis honorem, apparer ex hoc,
quod non habent eos in honore. Vnde & con-
tumeliosè eos nominantes, quando volunt illos
ordinari presbyteros, rogant nos aut jubent,
dicentes: Habeo unum clericen, quem mihi
nutrivi de servis meis propriis, aut beneficia-
libus, sive pagensibus; aut obtinui ab illo vel
illo homine, sive de illo vel illo pago. Volo
ut ordines eum mihi presbyterum.] Cùmque
factum fuerit, putant ex hoc quod majoris or-
dinis fæcerdotes non eis sint necessarij, & dere-
linquent frequenter publica officia & prædica-
menta; impletumque est etiam in nobis quod
ait Propheta: *Populus tuus sicut hi qui contradic-*
cunt sacerdoti. Et corrues hodie, & corruerit etiam
Propheta tecum. Et post paululum: *Gloriam*
eorum in ignominiam commutabo. Peccata popu-
li mei comedent, & ad iniquitatem eorum suble-
vabunt animas eorum. Et erit sicut populus, sic
sacerdos. & visitabo super eum vias ejus, & co-
gitationes ejus reddam ei. Vel illud quod Scrip-
tura alia loquitur, dicens: *Post haec verba non* 3. Reg. 13.
est reversus Hieroboam de via sua pessima; sed
in contrario fecit de novissimis populi sacerdotes
ex celorum. Quicunque volebat, implebat ma-

I iiii

136 S. AGOBARDI LIBER
num suam , & fiebat sacerdos excelsum. Et
propter hanc causam peccavit domus Hieroboam,
& eversa est & deleta de superficie terræ.

XII. Forsitan in his duabus sententiis resi-
stat aliquis , dicens : Hæc dicta sunt de decem
tribubus Israël , quæ per Hieroboam recesser-
unt à domo David , & civitate sancta , ac tem-
plo & altari , sive ministerio electorum sacerdo-
tum ; & propterea debent de hæreticis intelligi ,
qui recedunt à veri domo Dauid , id est , Christi ,
& à communione vel doctrina sacerdotum ca-
tholicorum . Nos ab Ecclesia non recedimus ,
nec spernimus nutrices Ecclesias ; sed habemus
sacerdotes quales possumus . Consideret qui hec
dicit quantis modis receditur à domo & corpo-
re David , & inveniet proculdubio valde con-
gruere in hac re omnibus improbandis factis , si-
cut & Doctores nostri senserunt . Quanquam
sunt aliæ divinæ auctoritatis multæ sententiaæ
in quibus sine contradictione temeratio tantæ
sanctitatis arguitur . sicut est illud Malachie
Malach. 1. Prophetæ : Si offeratis cœcum ad immolandum ,
nonne malum est ? & si offeratis claudum & lan-
guidum , nonne malum est ? Quæ sententia po-
test quidem & de hostiis carnalibus vel spirituali-
bus specialiter accipi , intelligitur tamen proba-
biliter etiam de offerentibus . Verum quia de
his , quales esse vel non esse debeant , Patrum
dicta sunt plurima , nobis necesse est cum omni
cordis contritione tractare , qui in his pessimis
temporibus ordinandi & regendi Ecclesias mi-
nisterium sortiti sumus ; ut si ex toto cavere non
possumus , saltem quantulumcunque nobis ip-
sis succurrere studeamus , ne peccatis alienis

communicemus , quia nostra superabundant , &
cùm iniquitates nostræ supergrediæ sint capita
nostra , & sicut onus grave gravatæ sint super
nos, non contemnamus piè monentem Aposto-
lum ac dicentem: *Manus citò nemini imposueris,*
neque communicaveris peccatis alienis.

*Psalms. 37.**1. Timoth. 5.*

XIII. Nempe ex quo fides Christi mundo
annunciata est & recepta , non fuerunt rectores
Ecclesiarum tantis periculis & tam gravibus at-
que inevitabilibus circumsepti. Quia, sicut jam
dictum esse meminimus , in mundis in annis priori-
bus , velut in juventute viguit. At nunc ipsa
sua senectute deprimitur , & quasi ad vicinam
mortem molestiis crescentibus urgetur. Quod
nos absque ambiguo de Ecclesia dicere possu-
mus , quæ in annis prioribus ad tolerantiam
passionum robusta, in perfectione veritatis ere-
cta , ad ostensionem signorum valida , studio
mirandæ continentiae & abstinentiae accincta,
contra rabiem lupo rum sollicita, ad resistendum
improbis libera. At nunc omnibus infirmitati-
bus mentis ita est languida, ut ad dicendum qui-
dem nec tutum sit , nec possibile ; ad cavendum
verò , nec promptum , nec facile. Atque uti-
nam vel dolere dignè possemus annos istos fa-
mis & sterilitatis , quos per somnium Pharaon
vidit , Ioseph vir sanctus intellectus & exposuit.
Quippe fluvius seculi huius , de quo ascendere
videbantur septem boves pulchræ & crassæ ni-
mis , quæ pascebantur in locis palustribus , præ-
teriorum temporum significationem gerit, quæ
habuere Doctores doctrina sublimes , sanctita-
te fulgidos , in defensione veritatis rigidos.
Nunc autem (quod sine gravi dolore dici non

Genes. 40.

138 S. AGOBARDI LIBER
potest) ex prædicto flumine jam emergunt alia
boves fœdæ confectæque macie. de qua re si
iuxta gracilitatem sermonis nostri aliquid dice-
re tentamus, offendimus forsitan ad invicem.
Tamen si Deo iuvante in unum convenerimus,
oportet nos de hoc diligenter & fideliter conlo-
qui: quia & his in quibus sanitas deficit, & in-
firmitas robatur, moris est inde cogitare, in-
de interrogare, ut ad earum rerum perveniant
cognitionem.

XIV. Quæramus etiam ne fortè iam propè
sit, & timeamus ne nos in perditionem invol-
vat illud quod terribiliter per Prophetam dic-
Lc. 22. tur: *In die illo, dicit Dominus exercituum, au-*
Luc. 18. *feretur paxillus qui fixus fuerat in loco fidei, &*
frangetur, & cadet, & peribit quod pependerat
Matth. 28. *in eo, quia Dominus locutus est.* Ita ut conse-
quenter impleatur quod Veritas dicit: *Veri-*
tamen filius hominis veniens, putas inveniet fi-
dem super terram? Tamen quia Veritas ipsa di-
Hebr. 10. *cit iterum, Ecce ego vobiscum sum omnibus di-*
bus usque ad consummationem seculi, proculdu-
bio erunt semper in Ecclesia, cum quibus ille
sit, eruntque fortissimi ac robustissimi pugna-
tores Dei, adversum quos ille qui nunc ligatus
est in abyso, solitus, totis viribus permittetur
belligerare, quos divina gratia idoneos reddet
adversum tam immanem bestiam dimicare, &
Malach. 3. *victores de ea existere.* Adhortemur itaque no-
metipso per singulos dies, non deserentes col-
lectionem nostram. Audiamus Dominum per
Prophetam monentem: *Congregate triticum in*
horreum meum, & sit cibus in domo mea. Triti-
cum utique illud evangelicum, de quo dicitur

DE PRIVILEGIO & IURE SACERDOTII. 139

Quis putas est fidelis dispensator & prudens,^{Luc. 12.}
quem constituit Dominus super familiam suam,
ut det illis in tempore tritici mensuram? Beatus
enim ille servus, quem, cum venerit Dominus,
invenerit ita facientem. At si hoc semper neces-
sarium fuit, quanto magis nunc, quando jam
propius est tempus illud, de quo Dominus ait:
Ecce dies venient, & mittam famem in terram,^{Amos 8.}
non famem panis, neque sitim aquæ, sed au-
diendi verbum Dei, & deficient virgines bonæ.
Interim tamen, sicut aliis Propheta loquitur,
Quid bonum ejus, aut quid pulchrum ejus, nisi^{Zachar. 9.}
frumentum electorum, & vinum germinans vir-
gines? In quibus verbis magnopere necesse est
unicuique nostrum subire contra semetipsum
judicij distinctionem, & exigere à semetipso ve-
ritatis confessionem, utrum sollicitior sit ad
congregandum vinum in quo est luxuria, an
vinum germinans virgines.

XV. Hæc brevissimè de nobis dicta sint,
quæ pertinent ad officium & ministerium no-
strum. Dein dicamus fidelibus laicis, qua fide
& spe venerari studeant sacramenta divina in
omnibus communiter sacerdotibus; sive sint
diligentes, sive negligentes, sive sint providi,
sive torpentes. Sacramenta etenim divina, bap-
tisma scilicet, & confessio corporis ac sanguini-
onis Domini, ceteraque in quibus salus & vita
fidelium consistit, tam magna & sancta sunt, ut
nec bonorum meritis meliorari, nec malorum
perversitate possint deteriorari; cum ad invoca-
tionem summi Sacerdotis, non humana virtute,
sed S. Spiritus perficiantur ineffabiliter maje-
state. Nullo modo igitur, sicut beatus Augu-

stinus docet, sacramentum Christi in bonis ministris approbandum est, in malis respuendum, quasi aut hujus aut hujus sit, cum in utroque idem sit, & non nisi Dei sit. Et quamvis in pessimis bonum sit, et si hominum qui hoc agunt alius est alio deterior, non ideo illud quod agunt deteriorius est in illo quam in isto: quia nec in duabus catholicis malis, si unus sit alio deterior, deteriorem baptismum gerit: nec si unus eorum sit bonus, alius malus, in malo malus est baptismus, & in bono bonus, sed in utroque bonus. sicut lumen solis, vel etiam lucerne, non utique deterior est in oculis deterioribus, quam in melioribus; sed idem in utrisque, quamvis eos diverse pro illorum diversitate vel latifacet vel excruciet.

XV I. Similiter autem & beatus Papa Gregorius de non contemnendis divinis sacramentis in qualibuscunque ministris Dei sub quadam congruo exemplo admonet, dicens: Sape, fratres mei, solet evenire quod dico, ut persona potens famulum habeat despectum; cumque per eum suis forte vel extraneis responsum aliquod mandat, non despicitur persona loquenter servi, quia servatur in ore reverentia mittentis domini; nec pensant qui audiunt, per quem, sed quid, vel a quo audiant. Ita ergo, fratres, ita vos agite. Etsi forsitan nos digne despiciatis, in mente item vestrae vocantis Domini reverentiam servate. Idem etiam Pater de eisdem rebus in quadam Episcoporum exhortatione sic loquitur: Et per nos quidem fideles ad sanctum baptismum veniunt, nostris precibus benedicuntur, per impositionem manuum nostrarum a Deo Spiritum sanctum percipiunt, atque ipsi ad regnum cœleste pertingunt.

*Homil. 17. in
Evangelio.*

DE PRIVILEGIO & IVRE SACERDOTII. 141

Et ecce nos per negligentiam nostram deorsum tendimus. Ingrediuntur electi, sacerdotum manibus expiati, cœlestem patriam, & sacerdotes ipsi per vitam reprobam ad inferni supplicia fessinat. Cui ergo rei, cui similes dixerim sacerdotes malos, nisi aquæ baptismatis, quæ peccata baptizatorum diluens, illos ad regnum cœleste mittit, & ipsa in cloacas descendit? Timeamus hec, fratres. Conveniat actionem nostram ipsum ministerium nostrum. De peccatorum nostrorum cotidie relaxatione cogitemus; ne nostra vita peccato obligata remaneat, per quam omnipotens Deus cotidie alios solvit.

XVII. Consonanter quoque & beatus Papa Anastasius de his docet, dicens: *Nam & baptismum, quod procul sit ab Ecclesia, sive ab adultero vel à fure fuerit datum, ad percipientem munus pervenit inlibatum, quia vox illa quæ sonuit per columbam, omnem maculam humanae pollutionis excludit, qua declaratur ac dicitur: Hic est qui baptizat in Spiritu sancto. Nempe & Iudas, cum fuerit sacrilegus atque fur, quicquid egit inter Apostolos pro dignitate commissa, beneficia per indignum data, nulla ex hoc detrimenta senserunt. Quicquid ergo ad hominum proiectum quilibet in Ecclesia minister pro officio suo videtur operari, hoc totum contineri implendum divinitatis effectu, ita ille per quem Christus loquitur, Paulus affirmat: Ego plantavi, Apollo rigavit, sed Deus incrementum dedidit. Itaque neque qui plantat est aliquid, neque qui rigat, sed qui incrementum dat Deus. A Deo autem non queritur, quis vel qualis prædictet, sed quem prædices, ut invidos etiam bene*

*Decreta Ana-
si cap. 7. 8.*

1. Corinth. 3.

142 S. AGOBARDI LIBER
Christum prædicare confirmet. Mal i itaque bona
ministrando, sibi tantummodo nocent, nec Eccle-
siæ mysteria commaculant. Ac per hoc nullatenus
debent metuere qui vel in consecrationibus vel in
baptismate mysteria tradita suscipiunt, ne irrita
beneficia divina videantur: quia virtutem suam
obtinentibus mysteriis, in hoc aliis rea sibi perso-
na non nocet.

XVIII. Hæc igitur sensa Patrum & defi-
nitiones posuimus, ut noverint fideles populi,
nihil se lædi criminibus sacerdotum in acceptio-
ne sacramentorum; si tamen juxta regulam à
Domino positam, vel secundùm traditionem
ecclesiasticam, celebrentur. Ceterùm summo-
pere necesse est præcaveri, ut in ordinandis offe-
rendisve ministris non communicemus, ut su-
prà dictum est, peccatis alienis, criminosos vi-
delicet ad sacerdotium promovendo, aut, quod
adhuc multò deterius est, ignorantia cœcos,
qui vel secundùm tenorem ecclesiasticum nel-
ciant peragere ipsa mysteria, quod omnino est
improbandum, & nullo modo admittendum,
vel cœcis ducatum præbeant ad foveam aeterna-
damnationis. Quod & Dominus terribiliter se
reprobare demonstrat, dicens per Prophetam:

Ose. 4. Quia tu scientiam repulisti, repellam te & ego me
sacerdotio fungaris mihi. Et iterum: Sacerdotes
Ezech. 22. contempserunt legem meam, & polluerunt san-
ctuaria mea, inter sanctum & prophanum non
habuerunt distantiam, & inter pollutum & mun-
dum non intellexerūt. Cùmè contrario secundùm
1. Petr. 3. præcepta apostolica debeamus esse parati sem-
per ad satisfactionem omni poscenti nos ratio-
nenem de ea quæ in nobis est spe, & oporteat pre-
Tit. 1.

dicatorem esse amplectentem eum qui secundum doctrinam est fidelem sermonem, ut potens sit exhortari in doctrina sana, & eos qui contradicunt arguere. Quanquam enim sacerdos & vita & doctrina inreprehensibilis esse debet, quod rite & audiatur & imitetur; tamen si unum horum defuerit, tolerabilius est illi obediere qui bene docet & reprehensibiliter vivit, quam illi qui & nequiter vivit, & quid doceat nescit. Illi namque erant similes de quibus Dominus jubebat, dicens: *Quae dicunt facite; quae autem faciunt, facere nolite.* Scilicet quia haec observantes, sine sui periculo tales poterant sustinere rectores. De isto autem, cum sit totus inutilis & totus noxious, & sine periculo nec audiri possit nec imitari, recte a quibusdam dictum intelligitur in Evangelio: *Si oculus tuus nequam fuerit, totum corpus tuum tenebrosum erit.* Rursusque in Proverbiis: *Non decent stultum deliciae, nec servum dominari principibus.* Itemque ibi: *Labia justi erudiunt plurimos.* Qui autem indocti sunt, in cordis egestate morientur. Et iterum: *Sicut qui mittit lapidem in acerum Mercurij, sic qui tribuit insipienti honorem.* licet haec sententia praecepit illos tangat qui tales ordinare presumunt.

*Matth. 23.**Matth. 6.**Prov. 19.**Prov. 10.**Prov. 26.*

XIX. Et quoniam nobis nunc de dignitate sacerdotij sermo est, sed & sacerdotum, si tamen concordent moribus ministerio; in fine opusculi sciendum sollicitè est quatuor eorum esse genera, unum amandum, alterum tolerandum, tertium contemendum, quartum anathematizandum. Amandum itaque genus rectorum est bene viventium, & bene docentium.

144 S. AGOBARDI LIBER

Tolerandum autem bene quidem docentium, sed reprehensibiliter viventium; aut bene viventium, & propter simplicitatem sensus docere alios non valentium. Hujus generis priores audiendi sunt, non imitandi, sicut Dominus de talibus loquens, ait: *Quæ dicunt facite; quæ autem faciunt, facere nolite.* Sequentes, si eorum vita pietati subdita est, pietatisque doctribus adhærens, tendunt proculdubio ad finem præcepti, quod est caritas, de corde puro, & conscientia bona, & fide non ficta. Potest quidem & eorum vita aliquibus esse doctrina. Attamen tales inter perfectos prædicatores depurari non possunt, quia non habent unde profrant nova & vetera. & sicut Patres dixerunt: *Latratu canum, & baculo pastoris, luporum rabies deterrenda est.* Contemnendum verò, sicut supra diximus, genus est reprehensibiliter viventium, & quid doceant ignorantium. Postremum, quod & anathematizandum diximus, qualitercunque viventium, id est, vel bene vel male, sed tamen male docentium. Sunt enim hæretici, etiamsi bene vivant.

X X. Deprehensi igitur inter tantas ac tales angustias, de quibus viribus nostris evadere non possumus, summopere necessarium est ut ei qui omnia facere potens est suprà quam peccatum aut intelligimus, ex toto corde supplicemus, quatenus per abundantiam misericordiz suæ tenens manum dexteram nostram, in voluntatem suam dirigat nos, & cum gloria afflumat nos; ipse regat regentes, ipse dirigat dirigentes; ut possimus pascere gregem ejus cum disciplina, & non in vasis pastoris imperiti; ipse præsteret

Matth. 23.

1. Timoth. 1.

præstet virtutem & fortitudinem populo , &
exhibeat ipse sibi mundum & candidum gre-
gem, atque in omnibus immaculatum ac super-
nis ovibus dignum , ubi est habitatio lætantium
in splendoribus sanctorum , ut in templo ejus
omnes dicamus gloriam , grex simul & pasto-
res , in Christo Iesu Domino nostro , cui est
honor & virtus in secula seculorum. Amen.
Opto te , Pater & Frater reverentissime , &
dilectissime in Christo, semper bene valere , &
nostris meminisse.

ITEM LIBER CONTRA
*insulsam vulgi opinionem de Grandine
& Tonitruis.*

IN his regionibus penè omnes homines ,
nobiles & ignobiles , urbani & rustici , se-
nates & juvenes , putant grandines & tonitrua
hominum libitu posse fieri. Dicunt enim , mox
ut audierint tonitrua , & viderint fulgura , *Au-
ra levatitia est.* Interrogati verò quid sit aura
levatitia , alij cum verecundia , parum remor-
dente conscientia , alij autem confidenter , ut
imperitorum moris esse solet , confirmant in-
cantationibus hominum , qui dicuntur Tempe-
starij , esse levatam , & ideo dici levatitiam au-
ram. Quod utrum verum sit , ut vulgo creditur ,
ex auctoritate divinarum Scripturarum probe-
tur necesse est. Sin autem , ut falsum est , absque
ambiguo credimus , summopere exaggerandum
est , quanti mendacij reus sit , qui opus divinum

K